



## Chambre des Députés

### Compte rendu officiel

#### Supplément commun aux quotidiens :

Luxemburger Wort, Tageblatt, Lëtzebuerger Journal, Zeitung vum Lëtzebuerger Vollek

#### Contenu rédactionnel :

Service du compte rendu de la Chambre des Députés  
Service des relations publiques de la Chambre des Députés  
Tél. 466 966-1

#### Saisie de texte :

Polygraphic SA, Esch-sur-Alzette

#### Conception et mise en page :

Espace Médias SA, Esch-sur-Alzette

#### Concept et coordination générale :

BRAIN & MORE, agence en communication, Luxembourg

#### Imprimeries :

Saint-Paul Luxembourg SA 2, rue Christophe Plantin L-2988 Luxembourg  
Editpress SA 44, rue du Canal L-4050 Esch-sur-Alzette

Schicksal hanner sech. A fir dorobber adequat ze reagéieren, geet sécherlech e Gesetzestext net duer, geet och e Finanzéierungsmechanismus beim ONE net duer, mä mir brauche ganz vill ënnerschiddlech Äntwerten dorobber.

Duerfir gi mer eis hei, fir den nei geschafenen Institut, och Méiglechkeeten, fir zum Beispill e Centre de ressources ze schafen. Well an deenen eenzelnen Aktivitéitsfelder vun deem Institut, vun deem, wat haut nach d'staatlech Kannerheemer sinn, brauche mer eigentlech ganz oft deeselwechten Know-how, musse mer op déiselwecht Ressourcé kënnen zrëckgräifen. An duerfir hu mer eis och fir deen dote Wee entsheet.

Opgrond dovun, datt fir eng Rei vun Aktivitéiten an de leschte Joren, well Besoin um Terrain war a well offensichtlech och d'Privatakteuren deem net an deem Mooss nokomm sinn, hei de Stat och eng Offer geschafene huet, hu mer gekuckt, datt mer déi Offer op eng legal Basis géife setzen, datt mer e Kader setzen, wéi déi Institutioun do sech kann iwwert déi nächst Jore weiderentwéckelen a sécherlech awer och a ganz ville Punkte ka weider innovéieren.

Duerfir wëll ech mech iwwert déi breet Zoustëmmung hei de Mëtteg freeë fir dese Gesetzesprojet.

Ofschlëssend nach ee Wuert zur Motioun vum Fernand Kartheiser, mat där ech mech schweierdinn. Net, datt mer systematesch eppes sollen evaluéieren, wat en place gesat gëtt; dat ass fir mech bon sens an dat musse mer souwisou maachen. A wa mer haut och dee Gesetzesprojet hei hunn, dann ass et sécherlech, well mer virun zwee, dräi Joer ugefaangen hunn, eis ebe grad mat enger ganzer Rei vu Froen ausenannerzesetzen an ze kucken, wat een do nach kéint aneschtens maachen.

Ech mengen awer, datt d'Froen, wéi een Effet eng Interventioun vun engem Institut wéi deem heiten oder generell all Akteur vun der Aide à l'enfance op d'Kand huet, awer eigentlech vun engem falsche Verständnis vun der Aarbechtsrealitéit an deene Strukturen do och ausginn a gedroe sinn.

D'Entwécklung vun engem Kand ass jo ëmmer multifaktoriell. An ze moossen, wat den Effet elo vun engem Placement oder enger Betreuung an enger Struktur, an enger Institutioun ass, an déi aner Facteuren alleguerte probéieren auszeblenden, dat, wat virdru war, dat, wat niwendrun nach ass, denken ech, muss zum Scheitern veruerteelt sinn.

Duerfir fannen ech do schonn an der Froestellung eigentlech eng Approche erëm, déi mer net gefält an déi vun engem, a mengen Aen, falsche Verständnis hierkënn. An duerfir mengen ech, datt een Terme wéi Effikassitéit an deem Beräich dach ganz schwéier nëmme ka beméien.

An ech mengen, et soll eis Aufgab sinn, fir alles en place ze setzen, wéi ech virdru gesot hunn, fir an deenen ënnerschiddlechen an oft perturbéierende Liewensweeër vun deene Jonken a vun deene Kanner do méiglechst gutt op déi kënnen ze reagéieren, hinnen dat ze ginn, wat se brauchen.

An der Hoffnung, datt mer alles maachen, fir hinnen en erfollegräicht Liewen duerno kënnen ze garantéieren, datt se mat zwee Féiss duerno an der Gesellschaft stinn an hir Responsabilitéit als Erwuessene fir sech selwer a fir déi, déi hinne léif a wichteg sinn, kënnen iwwerhuelen.

Mä dat ze moossen, wat en eenzelt Institut dozou bäigedroen huet, domadder, mengen ech, géife mer wahrscheinlech och all Wëssenschaftler, déi awer och gären an deenen dote Beräicher tätég sinn a fuerschen, iwwerfuereeren.

Merci.

► **M. Fernand Etgen**, *Président*.- Merci villmools dem Educationminister Claude Meisch. Den Här Galles huet nach d'Wuert gefrot.

► **M. Paul Galles** (CSV).- Villmools Merci, Här President. Och Merci dem Här Minister fir seng Erklärungen. Ech wollt awer nach eng kéier betounen, dass et mir ganz fernläit, en ideologesch ugehauchten Discours ze féieren, grad bei dësem Thema, well et jo kloer ass, dass d'Wuel vum Kand eis alleguerte beschäftegt a fir eis alleguerten am Zentrum steet. Dat soll wierklech net de Grond sinn.

Mir wollten net drop erausgoen, dass mer wollte vergläichen, am Sënn vun: Wien ass besser a wien ass manner gutt? Dat ass guer net d'Zil vun eiser Interventioun gewiescht, no dem Parallelismus ze froen.

Et geet net ëm besser oder manner gutt. A well et net ëm besser oder manner gutt geet, well dat net d'Fro ass, stelle mer eis eben d'Fro: Woufir de Parallelismus oprechterhalen? Well wann et eppes Besseres géif gi wéi dat anert, da misst ee jo e Parallelismus schafen, fir eppes Besseres ze hu wéi dat, wat net esou gutt ass. An dësem Fall stellt sech déi Fro guer net.

Dofir wëll ech nach eng kéier betounen, déi Fro ass éischter an déi Richtung gewiescht: Woufir hei net d'Geleeënheet notzen, fir vusäite vum Stat en transversalen Ënnerbau ze schafen, deen deem ganze Rescht vum Secteur hëlleft an déngt? Just fir dat nach eng kéier kuerz kloerzestellen, dass mer net an en ideologesch ugehauchten Discours wollte goen.

E Wuert zur Motioun, wann ech dat direkt därëf derbäisoen: Mir ënnerstëtzen déi heite Motioun, well mer dovun ausginn, dass se viraussetzt, dass et net invasiv ass vis-à-vis vum Wuel vum Kand. Op kee Fall. Dofir menge mer, dass dat eng gutt Attitüd ass, fir och eng Etüd ze maachen. Déi soll da Resultater liwweren, mat deene mer kënnen schaffen.

Ech soen lech villmools Merci.

► **M. Fernand Etgen**, *Président*.- Merci, Här Galles.

Den Educationminister wëllt net méi dorobber reagéieren. Dann ass domadder d'Diskussioun ofgeschloss.

Mir kommen dann elo zur Ofstëmmung iwwert de Projet de loi 7189. Den Text steet am Document parlementaire 7189<sup>7</sup>.

#### Vote sur l'ensemble du projet de loi 7189 et dispense du second vote constitutionnel

D'Ofstëmmung fänkt un. Fir d'Éischt déi perséinlech Stëmmen. Duerno de Vote par procuration. De Vott ass heimat ofgeschloss.

De Projet de loi 7189 ass mat 57 Jo-Stëmme bei 2 Abstentiounen ugehol.

*Résultat définitif après redressement : le projet de loi 7189 est adopté par 58 voix pour et 2 abstentions.*

*Ont voté oui : Mmes Diane Aehm, Nancy Arendt épouse Kemp (par M. Laurent Mosar), MM. Emile Eicher, Félix Eischen, Paul Galles, Léon Gloden,*

*Jean-Marie Halsdorf, Mmes Martine Hansen, Françoise Hetto-Gaasch (par Mme Octavie Modert), MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding (par Mme Diane Aehm), MM. Gilles Roth, Marco Schank, Marc Spautz, Serge Wilmes (par M. Paul Galles), Claude Wiseler (par Mme Martine Hansen) et Michel Wolter ;*

*MM. Guy Arendt, André Bauler, Gilles Baum, Mme Simone Beissel (par M. Gusty Graas), MM. Eugène Berger, Frank Colabianchi, Mme Joëlle Elvinger, MM. Fernand Etgen, Gusty Graas, Max Hahn, Mmes Carole Hartmann et Lydie Polfer ;*

*MM. Marc Angel (par M. Alex Bodry), Dan Biancalana, Alex Bodry, Mme Tess Burton (par M. Georges Engel), MM. Yves Cruchten, Mars Di Bartolomeo, Georges Engel, Franz Fayot, Claude Haagen et Mme Lydia Mutsch (par M. Yves Cruchten) ;*

*MM. Carlo Back, François Benoy, Mmes Djuna Bernard, Stéphanie Empain, MM. Marc Hansen, Henri Kox, Mme Josée Lorsché, MM. Charles Margue et Roberto Traversini ;*

*MM. Jeff Engelen, Gast Gibéryen (par M. Fernand Kartheiser), Fernand Kartheiser et Roy Reding ;*

*MM. Marc Baum et David Wagner.*

*Se sont abstenus : MM. Sven Clement et Marc Goergen.*

Freet d'Chamber d'Dispens vum zweete Vote constitutionnel?

#### (Assentiment)

Dann ass et esou decidéiert.

#### Motion 1

Mir kéimen dann elo zur Ofstëmmung vun der Motioun. Ass do nach eng Wuertmeldung do? De Minister hat Stellung dozou geholl, grad esou gutt wéi den Här Galles och. Ech mengen, da kënnen mer direkt iwwert d'Motioun ofstëmmen.

#### Vote sur la motion 1

De Vott fänkt un. Fir d'Éischt déi perséinlech Stëmmen. Duerno de Vote par procuration. De Vott ass ofgeschloss.

D'Motioun 1 ass bei 24 Jo-Stëmme géint 33 Nee-Stëmmen ofgeleent.

*Résultat définitif après redressement : la motion 1 est rejetée par 27 voix pour et 33 voix contre.*

*Ont voté oui : Mmes Diane Aehm, Nancy Arendt épouse Kemp (par M. Félix Eischen), MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mmes Martine Hansen, Françoise Hetto-Gaasch (par M. Georges Mischo), MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding (par Mme Diane Aehm), MM. Gilles Roth, Marco Schank, Marc Spautz, Serge Wilmes (par M. Paul Galles), Claude Wiseler (par Mme Martine Hansen) et Michel Wolter ;*

*MM. Jeff Engelen, Gast Gibéryen (par M. Fernand Kartheiser), Fernand Kartheiser et Roy Reding ;*

*MM. Sven Clement et Marc Goergen.*

*Ont voté non : MM. Guy Arendt, André Bauler, Gilles Baum, Mme Simone Beissel (par M. Gusty Graas), MM. Eugène Berger, Frank Colabianchi, Mme Joëlle Elvinger, MM. Fernand Etgen, Gusty Graas, Max Hahn, Mmes Carole Hartmann et Lydie Polfer ;*

*MM. Marc Angel (par M. Alex Bodry), Dan Biancalana, Alex Bodry, Mme Tess Burton (par M. Mars Di Bartolomeo), MM. Yves Cruchten, Mars Di Bartolomeo, Georges Engel, Franz Fayot, Claude Haagen et Mme Lydia Mutsch (par M. Yves Cruchten) ;*

*MM. Carlo Back, François Benoy, Mmes Djuna Bernard, Stéphanie Empain, MM. Marc Hansen, Henri Kox, Mme Josée Lorsché, MM. Charles Margue et Roberto Traversini ;*

*MM. Marc Baum et David Wagner.*

#### 10. 7417 - Projet de loi portant modification de :

#### 1<sup>o</sup> la loi modifiée du 12 septembre 2003 relative aux personnes handicapées ;

#### 2<sup>o</sup> la loi modifiée du 28 juillet 2018 relative au revenu d'inclusion sociale (suite)

#### Motion 1

Da kéime mer nach zur Ofstëmmung iwwert d'Motioun, déi deposéiert gi war vum Här Sven Clement vum Groupe technique am Kader vum Gesetzesprojet 7417, d'Adaptatioun vum Montant vum REVIS a vum RPHG. Wëllt nach een zu dëser Motioun Stellung huelen? Den Här Berger, wannechgelift.

► **M. Eugène Berger** (DP).- Jo, Merci, Här President. Ech mengen, mir si frou, datt d'Piraten eigentlech d'Suergeren deelen, déi och d'Regierung an d'Koalitioun huet. A well mer déi Suergeren haten, hu mer och schonn an de Koalitiounsaccord eng Rei Saachen ageschriwwen, déi genau dat och besoen, wat elo hei an där Motioun gefrot gëtt. Wa meng Informatiounen richteg sinn, sinn och scho verschidden Aarbechtsgruppen amgaangen, intensiv hei un deem Dossier ze schaffen. Einfach fir ze soen: Macht lech keng Suergeren! D'Regierung huet deen Dossier do an d'Hand geholl a schafft an déi Richtung.

Mir sinn awer trotzdeem frou, datt d'Piraten dat also ënnerstëtzen. Fir awer och ze soen, datt dat, wéi een esou schéin op Franséisch seet, superfetatoire ass. Oder op Lëtzebuergesch: Déi Motioun ass iwwerflësseg. Duerfir wäerte mer se och net stëmmen.

Merci, Här President.

► **M. Fernand Etgen**, *Président*.- Merci villmools, Här Berger. Ech gesi keng weider Wuertmeldung.

Den Här Kartheiser, wannechgelift.

► **M. Fernand Kartheiser** (ADR).- Jo, villmools Merci, Här President. Mir stëmmen déi Motioun vun de Piraten mat. Et mécht mer e bësse Suergeren, datt d'Regierung dat an d'Hand geholl huet. Dofir mengen ech, ass et ganz gutt, fir der Regierung nach eng kéier ze soen, a wéi eng Richtung et soll goen.

Op jidde Fall, mengen ech, ass et ganz gutt, datt mer hei eppes fir déi behënnert Leit wëlle maachen.

Merci.

► **M. Fernand Etgen**, *Président*.- Merci villmools, Här Kartheiser. Den Här Marc Goergen, wannechgelift.

► **M. Marc Goergen** (Piraten).- Merci, Här President. Et ass jo ganz flott, wann d'Regierung dat an d'Hand hëlt. Mä dann ass awer meng konkret Fro: Ab wéini kënnen déi Leit dann an de Benefiss dovunner kommen? Well am Moment hu mer jo de Problem, dass déi Leit guer net kënnen dovunner profitéieren. Mir schwätzen elo vun iergendengem Zäitraum. Dofir wär et flott, wann déi Motioun haut kéint gestëmmt ginn, well da kënnen mer de Leit direkt hëlfeen.

► **M. Fernand Etgen**, *Président*.- An da kritt nach den Här Georges Mischo d'Wuert.

#### (Brouhaha)

Den Här Georges Mischo fir d'Éischt nach.

► **M. Georges Mischo** (CSV).- Merci, Här ...

► **M. Eugène Berger** (DP).- Här President, den Dossier ass amgaangen an ...

#### (Brouhaha)

An den zoustännegen Ministère si se amgaangen, elo ...

► **Une voix**.- ... drun ze schaffen.

► **M. Eugène Berger** (DP).- ... e Projet fäerdeg ze maachen.

► **M. Fernand Etgen**, *Président*.- Den Här Mischo hat als Éischt d'Wuert gefrot.

► **M. Marc Goergen** (Piraten).- En Datum, wannechgelift!

► **M. Georges Mischo** (CSV).- Merci, Här President. Ech wollt just soen, dass d'CSV-Fraktioun och där heite Motioun wäert zoustëmmen, well mer wierklech och gären hätten, dass dat doten esou séier wéi méiglech op d'Schinne kënnt.

Merci.

► **M. Fernand Etgen**, *Président*.- An dann den Här Berger, wannechgelift.

► **M. Eugène Berger** (DP).- Här President, et ass eigentlech alles gesot. Ech wollt just nach eng kéier soen: D'Aarbechte sinn amgaangen. Ob et elo ee Mount oder sechs Wochen oder zwee Méint dauert, kann ech elo net soen. Mä et gëtt jo gekuckt, fir eng Solutioun ze fannen. An duerfir kann een elo net soen: Gitt eis en Datum, den 1. Juli oder wat weess ech. Leet Are Kapp a Rou! Deen Dossier, dee wäert elo relativ schnell eng Solutioun fannen.

► **M. Marc Goergen** (Piraten).- Déi maximal sechs Méint hu mer notéiert.

► **M. Fernand Etgen**, *Président*.- An dann nach den Här Baum.

► **M. Marc Baum** (déi Lénk).- Merci, Här President. Mir mengen och, datt een dat hei roueg



ka matstëmmen. Ech mengen, d’Regierung ass d’Regierung. A mir sinn d’Parlament. An als Parlament fuerdere mer d’Regierung op, dat, wat se jo da souwisou wëlles huet ze maachen, och schnellstméiglech, wéi et hei drasteet, als Regierung ëmzesetzen. Dat ass e legitimme Wonsch, deen hei an dëser Motioun zum Ausdrock kënnt. Duerfir ënnerstëtze mer se och.

■ **M. Fernand Etgen, *Président*.**- Merci, Här Baum. An ech mengen, mir kënnen elo zum Vott kommen.

■ **M. Eugène Berger (*DP*).**- Här President, mir hunn déi lescht fënnef Joer alles, wat mer versprach hunn, ëmgësat. Also wäerte mer och dat hei ëmsetzen.

**(Brouhaha)**

**Vote sur la motion 1**

■ **M. Fernand Etgen, *Président*.**- D’Ofstëmmen fänkt un. Fir d’Éischt déi perséinlech Stëmmen. Dann de Vote par procuration. De Vott ass heimat ofgeschloss.

Dës Motioun ass mat 29 Jo-Stëmmen bei 30 Nee-Stëmmen ofgeleent. Do schéngt dann nach een ze feelen.

**(Concertation interne)**

■ **Une voix.**- 31!

■ **M. Fernand Etgen, *Président*.**- Jo. Se ass mat 29 Jo-Stëmmen an 31 Nee-Stëmmen ofgeleent.

Ont voté oui : Mmes Diane Adehm, Nancy Arendt épouse Kemp (par M. Laurent Mosar), MM. Emile Eicher, Félix Eischen, Paul Galles, Léon Gloden, Jean-Marie Halsdorf, Mmes Martine Hansen, Françoise Hetto-Gaasch (par M. Marco Schank), MM. Aly Kaes, Marc Lies, Georges Mischo, Mme Octavie Modert, M. Laurent Mosar, Mme Viviane Reding (par Mme Diane Adehm), MM. Gilles Roth, Marco Schank, Marc Spautz, Serge Wilmes (par M. Paul Galles), Claude Wiseler (par Mme Martine Hansen) et Michel Wolter ;

MM. Jeff Engelen, Gast Gibéryen (par M. Fernand Kartheiser), Fernand Kartheiser et Roy Reding ;

MM. Sven Clement et Marc Goergen ;

MM. Marc Baum et David Wagner.

Ont voté non : MM. Guy Arendt, André Bauler, Gilles Baum, Mme Simone Beissel (par M. André Bauler), MM. Eugène Berger, Frank Colabianchi, Mme Joëlle Elvinger, MM. Fernand Etgen, Gusty Graas, Max Hahn, Mmes Carole Hartmann et Lydie Polfer ;

MM. Marc Angel (par M. Mars Di Bartolomeo), Dan Biancalana, Alex Bodry, Mme Tess Burton (par M. Georges Engel), MM. Yves Cruchten, Mars Di Bartolomeo, Georges Engel, Franz Fayot, Claude Haagen et Mme Lydia Mutsch (par M. Yves Cruchten) ;

MM. Carlo Back, François Benoy, Mmes Djuna Bernard, Stéphanie Empain, MM. Marc Hansen, Henri Kox, Mme Josée Lorsché, MM. Charles Margue et Roberto Traversini.

Da freet nach den Här Gilles Roth d’Wuert.

**11. Ordre du jour (suite)**

■ **M. Gilles Roth (CSV).**- Merci, Här President. Erlaabt mer, zum Schluss vun dëser Sitzung d’Wuert ze froe par rapport zu der neier Convocatioun vun der Justizkommissioun vu muer. Dës Convocatioun dréit den Datum vum 25. Juni 2019, also vun haut.

Et geet dodrëms, dass d’CSV-Fraktioun den 13. Juni d’Convocatioun gefrot huet vun der nationaler Dateschutzkommissioun plus déi vun dem Justizminister, fir op d’gesetzlech Konformitéit vun de sougenannte Polizeifichieren ze kucken.

Mir stelle mat Erstaune fest, dass an där Convocatioun vun haut de Justizminister net invitéiert ass, mä just informéiert gëtt iwwert déi Sitzung, an dass par contre als Observateuren invitéiert sinn: d’Madamm Martine Solovieff, Procureur général d’État, Monsieur Vincent Fally, Inspecteur général adjoint, d’Madamm Monique Stirn, Inspecteur général de la Police, a bien entendu d’Presidentin vun der nationaler Dateschutzkommissioun.

Souwäit mir dat an Erënnerung hunn, ass d’Dateschutzkommissioun als onofhängeg Autoritéit duerch d’Gesetz vum 1. August 2018 agesat ginn. Fir eis ass et befriedmend, fir keng aner Qualificatiffen ze huelen, dass de Procureur général un dëser Sitzung deelhëlt.

Et war weder d’Demande vun der CSV nach kënne mir eis erënneren, dass et eng Demande vun der Justizkommissioun war, fir déi Leit, déi

Sommaire des séances publiques n <sup>os</sup> 27, 28 et 29	
27 <sup>e</sup> séance	
Ouverture de la séance publique	p. 345
Ordre du jour	p. 345
Question élargie n° 12 de M. Marco Schank au sujet de la mobilité et du transport des personnes handicapées	p. 345-346
Dépôt d’une motion par M. Marco Schank	p. 346
7366 - Projet de loi relatif à certaines modalités d’application et à la sanction du règlement (UE) 2018/302 du Parlement européen et du Conseil du 28 février 2018 visant à contrer le blocage géographique injustifié et d’autres formes de discrimination fondée sur la nationalité, le lieu de résidence ou le lieu d’établissement des clients dans le marché intérieur, et modifiant les règlements (CE) n° 2006/2004 et (UE) 2017/2394 et la directive 2009/22/CE	p. 346-349
7268 - Projet de loi portant modification	
1° du Code du travail ;	
2° de la loi modifiée du 31 juillet 2006 portant introduction d’un Code du travail ;	
3° de la loi modifiée du 19 décembre 2008 portant réforme de la formation professionnelle (suite)	p. 349-350
Dépôt d’une motion par M. Gast Gibéryen	p. 350
7353 - Projet de loi sur la protection des savoir-faire et des informations commerciales non divulgués (secrets d’affaires) contre l’obtention, l’utilisation et la divulgation illicites	p. 350-352
7304 - Projet de loi portant modification de la loi modifiée du 25 juillet 2005 portant création d’un lycée pilote	p. 352-354
28 <sup>e</sup> séance	
Ouverture de la séance publique	p. 355
Mots de bienvenue	p. 355
Ordre du jour	p. 355
Motion de M. Gast Gibéryen au sujet de la modification de l’avant-projet de la réserve naturelle Gréngewald, de façon à préserver la liaison routière CR119 entre le Stafelter et la N11	p. 355-356
Heure d’actualité du groupe politique LSAP au sujet de la conservation et de la protection du patrimoine industriel	p. 356-359
Question élargie n° 13 de M. André Bauler au sujet des besoins en personnel des Archives nationales ainsi que de l’état d’avancement concernant la planification et construction d’un nouveau bâtiment	p. 359-360
Validation des élections européennes du 26 mai 2019	p. 360
29 <sup>e</sup> séance	
Ouverture de la séance publique	p. 361
Communications	p. 361
Ordre du jour	p. 361
7416 - Projet de loi modifiant l'article L. 222-9 du Code du travail	p. 361-364
Ordre du jour (suite)	p. 364
7417 - Projet de loi portant modification de :	
1° la loi modifiée du 12 septembre 2003 relative aux personnes handicapées ;	
2° la loi modifiée du 28 juillet 2018 relative au revenu d'inclusion sociale	p. 365-366
Ordre du jour (suite)	p. 366
Heure d'actualité du groupe technique (ADR) au sujet de l'enseignement de la langue chinoise dans les lycées luxembourgeois et de l'offre relative à d'autres langues	p. 366-369
7189 - Projet de loi concernant l'Institut étatique d'aide à l'enfance et à la jeunesse	p. 369-371
7417 - Projet de loi portant modification de :	
1° la loi modifiée du 12 septembre 2003 relative aux personnes handicapées ;	
2° la loi modifiée du 28 juillet 2018 relative au revenu d'inclusion sociale	p. 371-372
Ordre du jour (suite)	p. 372

ech lech elo do genannt hunn, mat Ausnam vun der Presidentin vun der Dateschutzkommissioun, an dës Kommissioun vu muer ze invitéieren.

■ **Plusieurs voix.**- Très bien !

■ **M. Gilles Roth (CSV).**- Mir sinn domadder net averstanen, well mir gesinn dat als institutionell ganz quokeleg. Ganz quokeleg! Et sief dann, dass d’Procureur général hei als offizielle Vertrieder vun dem Justizminister an där Sitzung wier. Wann dat de Fall ass, dann hätte mer dat gären aktéiert.

Ech soe just, dass d’CSV-Fraktioun, an ech mengen, mir sinn net déi Eenzeg, dat muer net kann akzeptéieren, a mir géifen lech invitéieren, Här President, fir déi Leit, déi als Observateur ouni Accord vun enger Justizkommissioun ageluede sinn, muer auszelueden.

■ **Plusieurs voix.**- Très bien !

■ **M. Fernand Etgen, *Président*.**- Merci villmools, Här Roth.

Ech wëll direkt virausschécken, datt ech et och quokeleg fannen - ganz quokeleg -, fir hei iwwert deen dote Punkt ze diskutéieren, well

am Reglement vun der Chamber drasteet, datt den Ordre du jour vun de Kommissiounen vum President respektiv vun de Kommissiounen festgeluecht gëtt.

Ech géif Akt huele vun deem, wat den Här Roth gesot huet. An dann ass et muer un der Justizkommissioun, fir doriwwer ze diskutéieren.

Ech mengen, domadder wiere mer um Enn vun dëser Sëtzung ukomm. D’Chamber kënnt viraussichtlech den 2. Juli nees zesummen.

D’Sëtzung ass opgehewen.

**(La séance publique est levée à 17.18 heures.)**